



KOMUNIKADO PA PRENSA

Fecha

23/9/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

MINISTER BALBORDA TA HASI APERTURA: TRABOUNAN DI MANTENSHON NA E KAMINDA PA BAI PLAYA KANO A TA KUMINSÁ

Willemstad – Minister Balborda di Ministerio di Tráfiko, Transporte i Planifikashon Urbano huntu ku Servisio pa Obra Públiko ta inisiá e proyekto pa drecha e kaminda pa bai Playa Kanoa. Ta bai asfaltá e kaminda di tera aki.

E proyekto ta pa hasi Playa Kanoa mas miho aksibel pa pueblo i pa tur ku ta bishita nos pais. Trabounan ta plania pa dura 2 luna i kontratista Illusion General Contractor lo ehekutá e trabounan. E trabounan na e kaminda pa bai Playa Kanoa ta kosta rondó di 250.000 florin total.

Durante di e trabounan lo desviá tráfiko hasiendo uso di bòrchinan di indikashon. Servisio pa Obra Públiko ta pidi tur outomobilista pa tene bon kuenta ku e kambionan aki i kore ku koutela. Di e forma aki nos ta evitá kualke inkumbinensia i tambe ta garantisá seguridat di e trahadónan ku ta hasiendo e trabou.

Minister Balborda i Servisio pa Obra Públiko ta gradisí komunidadat adelantá pa e kompreshon i pasenshi.